



**KOMMUNALBESTYRELSIP  
IMMIKKUT ITTUMIK ATAATSIMIINNERA  
PINGASUNNGORNEQ ULLOQ 2. JULI 2025 NAL. 14:00**

**Peqataasut:**

1. Gabrielsen, Lars Erik (S) borgmester
2. Napātók', Jens (N) 1. viceborgmester
3. Møller, Heidi (D) 2. viceborgmester
4. Fleischer, Sakio (S)
5. Kristiansen, Knud (S)
6. Mathiassen, Paarnannguaq (S)
7. Nielsen, Edvard (S)
8. Olsen, Ujuut (S)
9. Petersen, Jakob (S)
10. Eskildsen, Arnaq N. (N)
11. Møller, Ole (N)
12. Jerimiassen, Aqqalu C. (A)
13. Kleemann, Knud (A)
14. Bro, Niels Erik (D)
15. Davidsen, Lena Ravn (D)
16. Sandgreen, Karl Frederik (D)
17. Thomassen, Mikivsuk (IA)

**Pisortaaneq:** Nick Nielsen  
**Imaqarniliortoq:** Dorthe L. Mathiesen, aningaasaqarnermut pisortaq  
**Immikkut peqataasut:** Pisortaqatigiit  
**Nutserisut:**  
**Ingerlannera:** Teamsikkut

| KOM | QULEQUTAQ                                                                                                       | BILAG |
|-----|-----------------------------------------------------------------------------------------------------------------|-------|
| 059 | Tusarniaanermut akissut: Pigisanik aalaakkaasunik piginnaatitaaffimmik pisisarneq imaluunnit atuisinnaatitaaneq | 001   |
| 060 | Avannaa Development: Inissialiornissamut pilersaarutit                                                          | 002   |
| 061 | Kommunalbestyrelsimi ilaasortap sulinngiffeqarallarnissaminik qinnuteqaataa                                     | 003   |
| 062 | Nunaqarfimmi aqquserngiornissamut atortussanik pisiniarnissamut immikkut aningaasaliinissamut qinnuteqaat       | 004   |
|     |                                                                                                                 |       |
|     |                                                                                                                 |       |

**Aaliangiineq:**

| Sag nr. | Sammissaq                                                                                                       | Bilag nr.   | 001 |
|---------|-----------------------------------------------------------------------------------------------------------------|-------------|-----|
| KOM 059 | Tusarniaafermut akissut: Pigisanik aalaakkaasunik piginnaatitaaffimmik pisisarneq imaluunnit atuisinnaatitaaneq | Journal nr. |     |

Uteqqiineq:

Naalakkersuisut inatsisissatut inissianut pingisaqalersinnaanermut attartorsinnaanermut sinaakkutissanik imaqtartumik siunnersuuteqarput. Qulequtaq pillungu allaaserisaqartoqarpoq uanilu suliami imarisai oqallisingineqassapput tusariaanermilu akissutissatut siunnersuut taperserniarnerlungu isummerfingineqassooq.

Suliap saqqummiunnera:

Pigisanik aalaakkaasunik piginnaatitaaffimmik pisisarneq imaluunnit atuisinnaatitaaneq Inatsisartut inatsisissatut siunnersuutingaat tassungalu atatillungu tusarniaaneq ingerlanneqarpoq.

*Iluarsiiissamut siunnersuut – sammisanut tunngatillugu nalilersuineq*

Tusarniaammi kommunip malunginiarpaa danskisut innuttaassuseqanngittut inimik attartornissaminut periarfissaat annertuumik siunnersuummi killilersorneqalissasut. Inatsisissatut siunnersuummi danskisut innuttaassuseqanngittut nunatsinnilu najungaqaanngittut skattimut ukiut marluk akileraarsimasut taamaallaat inissisinnaapput hotellini, Airbnbini, ininilu allani. Taamaallaat piffissami aaliangersimasumi tamanna ingerlasinnaasooq taaneqarpoq.

Kommuni isumaqarpoq taamatut aaqqiineq siunertamut naapertuutinngittumik kinguneqarsinnaasooq. Assersuutingalungu sulianik angisuunik sanaartornerup iluani suliartortut, peqqinnissaqarfimmi sulisut, ilinniartut il. il. danskisut innuttaassuseqanngittut eqqorneqarsinnaapput.

Periarfissaq unaasinnaangaluarpoq attartornissaq killilimmik soorlu ukiut marluk pingasut annerpaamik inissinneqarluni. Taakkutaa ajornassappat ilaatinnginneqarsinnaapput pisortat suliffeqarfiani sulisussat imaluunnit ilinniartut.

Kommunip aamma malunginiarpaa avataaneersut inissianik pingisaqalersinnaanerat tassuunakkullu aningaasalersuinnisaat nunatsinni inissianik niueruteqartarnerup nammaqatingiittumik ingerlarnga akornusersinnaangaa. Nunatsinni najungaqaartut initaarnissaat anigaasarsiornermi tulluuttumik tuniliaqutaqarluni ingerlasariaqarpoq.

Mittarfissuit atulernerisa kingunerisaanik inissianik pisinissamut tassanilu aningaasarsiupallassinnaaneq ajorluartumik periarfissanngortussaavoq. Sumiiffiit ilaanni naatsorsuutingineqassooq inissianut akit qaffapiloornissaat.

Kommunip nalilerpaa ineriartortitsisartut, aningaasateqarfimmeersut allallu inissiat aqquingalungit aningaasarsiorniapiluttut Danmarkimi aamma najungaqarsinnaasut. Taamaattumik assingiimmik aaqqiisoqartariaqarpoq avataaneersunut aamma danskisut innuttaassuseqartut eqqarsaatingalungit. Avataaneersut kisimik pineqassanngillat aamma una danskinut innuttaassuseqartunut atuutisooq.

*Ingerlariaqqinnissaq*

Tusarniut kommunalbestyrelsimit akuerineqaruni Namminersorlutik Oqartussanut ingerlatinneqassooq.

Aningaasaqarnermi kingunerisinnaasat:

Kommunip karsianut toqqaannartumik kinguneqassanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Aningaasaqarnermut Ataatsimiititaliaq  
Kommunalbestyrelsi

Aningaasaqarnermut Ataatsimiititaliami aaliangerneq:

*Allattoqarfiup Aningaasaqarnermut Ataatsimiititaliamut inassutingaa  
Tusarniaanermi kommunip akissutissatut siunnersuutaa ataatsimiititaliap tusaatissatut tingussangaa*

Aaliangerneq:

**Suli ingerlanneqanngilaq.**

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliami aaliangerneq ilalerneqassasoq

Ilanngussat:

Bilag 001-01: Tusarniaanermi akissutissatut siunnersuut  
Bilag 001-02: Inatsisissatut siunnersuut

Aaliangiineq:

|  |
|--|
|  |
|--|

| Sag nr. | Sammissaq                                              | Bilag nr.   | 002 |
|---------|--------------------------------------------------------|-------------|-----|
| KOM 060 | Avannaa Development: Inissialiornissamut pilersaarutit | Journal nr. |     |

### Uteqqiineq:

Inissaaleqineq kommunitsinni annertuvoq akiorniarlungulu kommunalbestyrelsi suliniuteqarpoq. Inissialiornissaq kommunip karsianit ingerlanneqassanguni tulleriissaarineq naapertorlungu ingerlanneqartussaavoq, soorunami apeqqutaalluni tulleriissaarineq politikkikkut qanoq inissinneqarnersoq pilersitsinissaq sukkasinnaavoq imaluunnit arriissinnaavoq. Allamik kommuni aningaasalersuinissaminut inissianik pilersitsinissaminut periarfiisaqarpoq, Avannaa Development – kommunip ineriartortitsinermut suliffeqarfiutaa. Uani suliami suliffeqarfik aqquotingalungu inissianik pilersitsinissamut pilersaarusiorneq titartaatitsinerlu aallartinniarlungit oqallittoqassooq suliamillu aallartitsisoqassanersoq isummertoqarluni.

### Suliap saqqummiunnera:

Kommuni suliffeqarfiuteqarpoq ineriartortitsinermut assersuotingalungu inissianik pilersitsinissamut atorneqarsinnaasumik. Ukiuni kingullerni inissianik attartorneqarsinnaasunik pilersitsinissamut suliffeqarfik misissuisimavoq, kisianni paasinarsivoq attartortitsinissamut siunertaqarluni ingerlatsinissaq tulluutinnigittoq attartornissamut akit toqqammaviusussat qaffasippallaarnissaa peqqutaalluni. Kommunalbestyrelsip inissianik sanaartornissaq aaliangiusimavaa, uanilu Nuummi Tuapannguani inissialiornermi periusiusimasooq toqqammavinginiarneqarpoq ingerlaqqinnissami.

### *Iluarsiinissamut siunnersuut – sammisanut tunngatillugu nalilersuineq*

Avannaa Development inissianik inuusuttunut tulluuttunik sanaartusooq, taakkua inissiat angisuujunngillat ataatsimik/marlunnik annerpaamik sinittarfeqarput. Allanneqareersutuut suliffeqarfiup sanassuai tunineqarnissaat siunertaralungu. Tunineqanngittut attartortinneqassapput uanilu attartornermut akit qaffasisinnaanera erseqqissaatingiumaneqarpoq, kisianni inissaaleqineq taama annertutingitillungu naatsorsuutingineqassooq tamarmik tunineqarnissaat.

Inissiat titartarneqareerput naatsorsuutingineqarporlu titartakkat atoqqinneqarnissaat. Eqqarsaataavoq misiliummik inissiat 30 missaat siullermik sananeqassasut. Pilersaarusiornissaq titartaatitsinermilu tulluussaannissaq takorloorneqarpoq kr. 2,0 mio. missaani naleqassasooq. Pilersaarutit suliarineqarnerani Teknikkeqarfik ataqatingiissaarissooq sanaartornermut immikkoortotaqarfiup ilisimasai atorluarumallungit.

Naatsorsuutingineqarpoq aasap ingerlanerani titartakkat pilersaarutillu suliarineqassasut, taakkua naammassippata suliariumannittussarsiusineq ingerlanneqassooq ukiap aallartinnerani. Neqeroorutit tinguneqarpata tamatuma kingorna kommunalbestyrelsi ilisimatinneqassooq suliffeqarfiup aningaasanik attartornissaa pillungu, uani ilisimaneqalersimassangami aningaasat attartorneqartussat annertussuaat. Aningaasanik attartortoqarumaarpoq kommunalbestyrelsi akuersippat, tassungalu killinnginnermi aamma Namminersorlutik Oqartussat oqaloqatingineqarsimassapput periusissat inatsisit naapertorlungit ingerlanneqarnersoq.

### *Ingerlariaqqinnissaq*

Pilersaarusiornissaq titartaatitsinissarluni akuarineqarpata suliaq Teknikkeqarfimmit ingerlanneqassooq, tamatumalu saniatingut Namminersorlutik Oqartussat periusissamik ilisimatinneqarlutik. Suliaq kommunalbestyrelsimut attartornissap akuarineqannginnerani suliassat taaneqartut naammassereersimassapput. Kommunalbestyrelsimi qulequtaq eqqartorneqareerpat Avannaa Developmentimi siulersuisut oqaluuserissavaat.

Aningaasaqarnermi kingunerisinnaasat:

Pilersaarusiornissaq titartaatitsinissarlu naatsorsuutingineqassooq kr. 2,0 mio. missaani naleqarnissaa.

Titartakkat sularineqareersut atorineqartussaapput taamaattumik aningaasat atorineqartussat

annikinneroratarsinnaapput taamatullu inissittoqassappat aningaasat karsimut utertinneqassapput.

Aningaasaliissutit kommunip ataaniinnissaanut peqqutaavoq pilersaarutit illup iluani ingerlanneqarnissaat kissaatingineqarmat.

Inissiat pilersinneqartussat missingikannerlungu kr. 60-70 mio. missaanik naleqassasut

naatsorsuutingineqarpoq, kisianni aattaat taanna sukumiisumik paasineqassooq neqeroortitsinerup kingorna.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Aningaasaqarnermut Ataatsimiititaliaq

Kommunalbestyrelsi

Aningaasaqarnermut Ataatsimiititaliami aaliangerneq:

*Allattoqarfiup Aningaasaqarnermut Ataatsimiititaliamut inassutingaa*

*Immikkut aningaasaliinissaq kr. 2,0 mio.-inik inissianik pilersitsisoqarnissaa siunertaralungu*

*pilersaarusiorneq titartaatitsinissarlu aallartinneqassasoq ataatsimiititaliap akuerissangaa*

Aaliangerneq:

**Suli ingerlanneqanngilaq.**

**Inassuteqaat:**

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliami aaliangerneq ilalerneqassasoq

Ilanngussaq:

Soqanngilaq.

**Aaliangiineq:**

| Sag nr. | Sammisag                                                                    | Bilag nr.   | 003 |
|---------|-----------------------------------------------------------------------------|-------------|-----|
| ØKO 061 | Kommunalbestyrelsimi ilaasortap sulinngiffeqarallarnissaminik qinnuteqaataa | Journal nr. |     |

Uteqqiineq:

Kommunalbestyrelsimi ilaasortaq inuttut unamminartumi inisseqqanini peqqutingalungit sulinngiffeqarallarnissaminik qinnuteqarpoq. Allattoqarfik ilaasortamit suliaq pillungu attavingineqarpoq. Uanilu oqaluuserineqassooq ilaasortap sulinngiffeqarallarnissaminik qinnuteqaataa isummerfingineqarlunilu.

Sulap saqqummiunnera:

Kommunalbestyrelsimi ilaasortaq, Aqqalu C. Jerimiassen (A) allattoqarfimmut ulloq 25. juni allangaqarpoq inuttut unamminartumi inisseqqanini tassuunakkullu sanngilleqqanini peqqutingalungit kommunalbestyrelsimiit sulinngiffeqarallarnissaminik qinnuteqarluni.

*Iluarsiinissamut siunnersuut – sammisanut tunngatillugu nalilersuineq*

Qinersinermut inatsit naapertorlungu ilaasortaq sulinngiffeqarallarnissaminik qinnuteqarsinnaavoq assersuutingalungu inuttut artornartumik atungaarneq imaluunnit aqusaangaarneq peqqutingalungu, suliaq una sulinngiffeqarallarnissaminik ulloq 1. decemberip 2025-ip tungaanut qinnuteqaatitut isingineqassooq.

Kommunalbestyrelsimi ilaasortap sulinngiffeqarallarnissaa peqqutingalungu partiimi qinerneqarsimasut allattorsimaffiani sinniisussatut tullinnguuttoq ilaasortanngussooq, Samuel Mørch (A).

Qinersinerup naammassinerani kommunalbestyrelsimut ilaasortat sinniisussallu aaliangerneqarput, taamaattumik tullinnguuttoq sulinngiffeqarallarnissamik qinnuteqartoq peqqutingalungu kommunalbestyrelsimut isisooq ilaasortanngorallarlunilu.

*Ingerlariaqqinnissaq*

Sulinngiffeqarallarnissamik qinnuteqaat akuerineqarpat sinniisussaq ilaasortatut sulilissooq ullormi kommunalbestyrelsip qulequtaq suliarineqarfiani ataatsimiititalianilu kommunalbestyrelsimilu sulineq aallartillungu.

Aningaasaqarnermi kingunerisinnaasat:

Toqqaannartumik aningaasatingut kinguneqanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Aningaasaqarnermut Ataatsimiititaliaq  
Kommunalbestyrelsi

Aningaasaqarnermut Ataatsimiititaliami aaliangerneq:

*Allattoqarfiup Aningaasaqarnermut Ataatsmiititaliamut inassutingaa  
Kommunalbestyrelsimi ilaasortap, Aqqalu C. Jerimiassen (A) inuttut unamminartumi inisseqqanini  
peqquetingalungit sulinngiffeqarallarnissaminik qinnuteqaataa ataatsimiititaliap akuerissangaa  
Samuel Mørch (A) qiningaasimasut allattorsimaffianni sinniisutut tullinnguuttoq kommunalbestyrelsimi  
ilaasortanngorallarnera (1. december 2025-ip tungaanut) ataatsimiititaliap tusaatissatut tingussangaa*

Aaliangerneq:

Suli ingerlanneqanngilaq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliami aaliangerneq ilalerneqassasq

Ilanngussaq:

Bilag 003-01:           Ilaasortap qinnuteqaataa

Aaliangiineq:

|  |
|--|
|  |
|--|

| Sag nr. | Sammisag                                                                                                  | Bilag nr.   | 004 |
|---------|-----------------------------------------------------------------------------------------------------------|-------------|-----|
| KOM 062 | Nunaqarfimmi aqquserngiornissamut atortussanik pisiniarnissamut immikkut aningaasaliinissamut qinnuteqaat | Journal nr. |     |

### Uteqqiineq:

Nunaqarfiit ilaanni annertuumik aqquserngit aqqissuuneqarnissaanut pisariaqartitsipput. Tamannalu tunngavingalugu piumasarineqarpoq ukioq manna piaartumik aqqissuussinerit aallartinneqassasut. Uanilu immikkut ittumik aningaasaliinissamut qinnuteqartoqarpoq.

### Suliap saqqummiunnera

Nunaqarfiit ilaanni aqquserngit pitsanngorsarnissaat pisariaqartinneqarpoq. Pitsanngorsarneqarpata innuttaasunik, eqqagassalerinermut aammalu anartarfilerinermut sullissinerit oqinnerusumik ataavarnerusumillu ingerlannissaa anguneqassaaq.

### *Iluarsiissutissat siunnersuut – suliamik nalilersuineq*

Nunaqarfinni aqqussinerissaaneq beton atorlugu misilittakkat pitsaasuupput. Misilittangarilersimasallu atorluarlugit aqqusinernik nunaqarfiit aqquserngi naaffeqartumik ingerlanneqarsinnaallutik. Aqquserngit betoni atorlugu iluarsartuussinneqassapput makkuvalu pissarsiarineqassapput: cement, støbemix aamma armeringsjern. Avannaata Kommuniani nunaqarfiit 21-iupput, aqquserngillu katikkaanni isorartullutik. Ingerlatsivik maskinanik aqqusiningissaaataasinnaasunik pissarsiornikuuvoq. Taakkualu atorlugit aqquserngit annertunerpaartai ingerlaffingiuminarsarsisinnaallutik. Ingerlatsiviup pilersaarutingaa taakku maskiinat nunaqarfimmiit nunaqarfimmut suliqariartornermi ingerlaartinneqassasut. Nunaqarfinni erngup aqquai ilaatingooriarlutik aqquserngit ikaartarpaat, tassanilu pisariaqassaaq qulaallutik ikaartarfiliortarnissaaq. Ikaartarfiliunngikkaanni ruujorinik innarliinissaaq qanittunnguussaaq. Ikaartafiit qisunnik suliarineqassapput, taakkualu gummigedijaqqanik qulaanneqarsinnaassallutik.

### *Ingerlariaqqinnissaaq*

Inassuteqaat akuerineqassappat atortussarsiniarneq piaartumik ingerlanneqassaaq. Suliqarsinnaasunillu aggersaaneq ingerlanneqaarluni.

Avannaata Kommuniani nunaqarfiit aqquserngi katillugit takimmata, suliniut ukiut tamaasa ingerlanneqaruni aqquserngit pitsanngorsartuaannarnissai qulakkeerneqassaaq.

### Aningaasatigut kinguneqaatissat:

Avannaata Kommuniani nunaqarfiit aqquserngi takimmata, ingerlatsiviup siunnersuutingivaa ukiut tamaasa aalajangersimasumik aningaasaliiffingineqartassasooq. Ukiumut aningaasaliissutit iluanni ingerlatsineq ataavartumik suliqartitsinerit atortussarsiutisinerit ingerlanneqartassallutik. Ukioq manna Allattoqarfiup siunnersuutingivaa immikkut 2.0 mio. kr. aningaasaliissutaassasut. Taamaattorli missingersuusiortarnermut inatsit naapertorlugu karsimiik aallerfissaqanngilaq. Ingerlatsiviullu siunnersuutigaa akimorlugu ingerlatsiviusuni matussutissat ujjartorneqassasut.

### Inatsisitigut toqqammavigisat:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Missingersuutilerisarnermut aammalu naatsorsuuserisarnermut inatsit nr. 13, 1. december 2021
-

Suliarineqarfia:

Teknikkimut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelsi

Teknikkimut Ataatsimiititaliami aaliangerneq:

*Allattoqarfiup ataatsimiititaliamut inassutigineqarpoq:  
Nunaqarfimmi aqquserngiornissamut atortussanik pisiniarnissamut ilassutissanik qinnuteqaat kr. 2.0 mio.  
akimorlugu ingerlatsivinni matussutissanik ujartuisoqassasoq ataatsimiititaliap akuerissagaa*

Aaliangerneq:

Suli ingerlanneqanngilaq.

Aningaasaqarnermut Ataatsimiititaliami aaliangerneq:

Teknikkimut Ataatsimiititaliap Aningaasaqarnermut Ataatsimiititaliamut inassutigaa

Teknikkimut Ataatsimiititaliap aaliangernera ilalerneqassasoq

Aaliangerneq:

Suli ingerlanneqanngilaq.

Inassuteqaat:

Aningaasaqarnermut Ataatsimiititaliamit inassutigineqarpoq:

Aningaasaqarnermut Ataatsimiititaliap aaliangernera ilalerneqassasoq.

Bilag:

Bilag 001-01: Betonimik aqquserngiornissamut atortussanut assersuut.

Bilag 001-02: Nunaqarfiit aqquserngiisa takissusaat.

Aaliangerneq:

|  |
|--|
|  |
|--|

Ataatsimiinneq naammassivoq nal.:

**Atsiorfissaq:**

Jerimiassen, Aqqalu C. (A) \_\_\_\_\_

Kleemann, Knud (A) \_\_\_\_\_

Jerimiassen, Palle (D) \_\_\_\_\_

Davidsen, Lena Ravn (D) \_\_\_\_\_

Møller, Heidi (D) \_\_\_\_\_

Sandgreen, Karl Frederik (D) \_\_\_\_\_

Thomassen, Mikivsuk (IA) \_\_\_\_\_

Eskildsen, Arnaq N. (N) \_\_\_\_\_

Møller, Ole (N) \_\_\_\_\_

Napâtôk', Jens (N) \_\_\_\_\_

Gabrielsen, Lars Erik (S) \_\_\_\_\_

Kristiansen, Knud (S) \_\_\_\_\_

Mathiassen, Paarnannguaq (S) \_\_\_\_\_

Petersen, Jakob (S) \_\_\_\_\_

Nielsen, Edvard (S) \_\_\_\_\_

Olsen, Ujuut (S) \_\_\_\_\_

Fleischer, Sakio (S) \_\_\_\_\_